


Esperiénsia iha Kreda nune'e duni: la iha ema perfeita ida iha Kreda, hotu-hotu iha limitasaun ka frakeza, maibé hodi tulun malu, hodi la'o tuir tradisaun ne'ebé Apóstolu sira husik ba ita, ita sei to'o Kristu, bee-matan ne'ebé sei soi ita.

Iha grupu ka parokia ó halo ona esperiénsia hanesan ne'e, katak bainhira ita moris iha komuñau ita bele manán ita-nia limitasaun sira?

Se bele, haktuir esperiénsia ida ne'e ba kolega sira

Hau-nia orasaun



Aman Santu, Ita ne'ebé liuhusi Ita-nia Oan nia mate no moris-hi'as halibur povu hotu iha família ida de'it, haraik kbiit mai ami, ne'ebé sarani ona, atu manán divisaun no kritika, hodi sai ida de'it iha lialoos no karidade. Ami harohan ba Ita atu Ita bele leno ema hotu ho roman fiar loos nian hodi halo sira hasoru malu iha komuñau Kreda nian. Ami harohan ne'e hodi Na'i Jezús Kristu nia naran hamutuk ho Espíritu Santu.

S. Paulo ko'alia kona-ba Kreda hodi uza ilas ruma (kf. *Ef* 5,23,29; *Kol* 1,18.24). koko lee pasajen sira ne'e no hakerek ó-nia orasaun ba S. Kreda.

“Ò hanoin katak Kristu bele husik Kreda mesak, tanba iha limitasaun no frakeza sira? Kristu la bele husik Kreda, se lae nia husik (soe) Ninia isin rasik.”

(Dom Helder Camara)

FORMASAUN ANIMADÓR SIRA ORATÓRIU NIAN (6)

HA'U FIAR KREDA SANTA KATÓLIKA

Iha enkontru ida ne'e, Katekizmu Youcat sei tulun ita atu komprende Kreda nia moris no ninia signifikaadu iha Maromak nia planu. Ita hatene katak Kreda hahú iha loron Pentekoste nian (Kf Act 2,1-4), bainhira Maromak nia Espíritu tun husi Lalehan, hakonu uma iha ne'ebé Apóstolu sira halibur hamutuk, no halakan iha sira-nia fuan.



? *Kreda katak sa?*

Liafuan Kreda traduz husi liafuan grega “Ekklesia” katak “bolu hamutuk”, “halibur iha liur”; iha mós liafuan seluk ne'ebé signifika “Pertense ba Maromak”. Ita hotu, ne'ebé simu Baptizmu, fiar katak Maromak bolu ita atu sai Ninian emar no, hanesan S. Paulo hakerek, Kristu mak Kreda nia ulun no ita mak isin lolon.

Bainhira ita simu Sakramentu sira no rona Maromak nia Liafuan, Kristu horik iha ita, ita iha Nia: ida ne'e mak Kreda. Biblia iha ilas barak atu ko'alia kona-ba Kreda: dala ruma temi “povu”, dala ruma “Kristu nia noiva”, dala ruma Kreda mak “inan”, katak ita mak “Maromak nia família”; nune'e Kreda la'ós NGO ida ka organizasaun ida.

? *Tansá Maromak hakarak Kreda?*

Maromak hakarak Kreda tanba Nia la koho soi ita keta-ketak, maibé ita hotu hamutuk nu'udar povu ida. (KKK 758-781; 802-804)

La iha ema ida ne'ebé sae ba Lalehan mesak (hanesan don Bosco mós dehan). Se ema ida hanoin ba ninia an rasik de'it, se buka ninia salvasaun pesoál, nia la'ós ona Maromak nia ilas, tanba Maromak mak Trindade, katak komuñau, relasaun entre Ema na'in tolu. Nune'e, se ita hakarak tuir Jezús, ita presiza moris iha domin, partisipasaun, no ita hakarak tau matan ba maluk sira.



Oinsá Kreda hala'o ninia misaun?

Kreda nia misaun atu halo buras Maromak nia Reinu, ne'ebé hahú ona ho Jezús, iha mundu rai-klaran. (KKK 763-769; 774-776; 780)

Bainhira Jezús moris, Nia hahú Maromak nia Reinu, Reinu damen no justisa nian. Kreda serbí Reinu ida ne'e, nia la buka ninia interese, maibé nia tenke lori to'o rohan buat ne'ebé Jezús rasik hahú. Kreda tenke halo hanesan Jezús halo, haklaken Jezús nia Liafuan sira, simu simbolu sagradu sira (Sakramentu sira), atu Lalehan bele hahú ona iha rai ida ne'e.



Tansa iha "Ha'u fiar" ita reza katak Kreda mak santa?

Ita la dehan katak Kreda mak santa tanba ninia membru sira hotu mak santu, maibé tanba Maromak mak Santu, no Nia opera iha Kreda. Batizmu halulik sarani hotu. (KKK 823-829)

Bainhira sarani sira husik Maromak Trindade servisu iha sira-nia laran, sira bele sai santu. Santu sira mak sira ne'ebé hadomi, la'ós tanba sira matenek liu ka hatene liu sira seluk, maibé sira husik Maromak nakfilak sira-nia laran. Sira hada'et ba ema seluk domin ne'ebé sira rasik simu husi Maromak.



Tansa ita bolu Kreda katolika no se mak halo parte?

Liafuan katoliku katak universál (mundu tomak nian). Ita dehan katak Kreda mak katolika tanba Kristu haruka nia atu hatudu nia fiar tomak, atu aministra Sakramentu hotu, atu haklaken ba povu no ema hotu-hotu ninia Liafoun di'ak (KKK 831-832; 849-856). Sira hotu ne'ebé, iha komuñaun ho Amo papa no Amo Bispo sira, metin ba Jezús, rekoñese an iha fiar katolika no simu sakramentu sira pretense ba Kreda (KKK 836-838).

Maromak hakarak Kreda ida de'it ba ema hotu iha mundu rai-klaran: Batizmu liga ami hotu iha família ida de'it, maski ba ita susar atu moris iha damen laran. Hanesan S. Paulo hakerek ba Timoteu: "Nia hakarak katak ema hotu hetan maksoin no simu matenek kona-ba lialoos" (1 Tim 2,4).




Tansa ita bolu Kreda apostolika?

Kreda hari'i iha Apóstolu sira nia fundamentu; katak hanesan Jezús haraik Ninia kbiit ba Apóstolu sira, nune'e husi momentu ida ne'e, bainhira Apóstolu sira lolo liman ba sira-nia saseluk, husi bispu ida to'o bispu seluk Jezús nia kbiit to'o mai ita. Apóstolu sira nia saseluk gia ita no ita laran metin nafatin ba Apóstolu sira nia tradisaun (KKK 857-860. 869. 877).

Jezús bolu Apóstolu sira atu kolabora ho Nia, sira sai sasin kona-ba Jezús nia hahalok no nia moris-hi'as. Kristu haruka ninia Espíritu Santu ba sira no haruka sira ba mundu tomak nu'udar Ninia manu-ain. Iha Kreda katolika sira garante unidade to'o ohin loron.

ISTÓRIA IDA



Besik knua ida, iha ai-laran boot ida, iha ne'ebé ema sira ta'uk atu tama tanba fasil liu atu lakon dalan; maski nune'e, ema ruma hela iha ne'ebá. Iha uma ki'ik iha liu ai-laran klaran, hela ferik ida ne'ebé nia oan no be-oan sira la koho tau matan ba nia. Hamutuk ho ferik ne'e iha foin-sa'e ida ne'ebé matan delek no labarik ida ne'ebé iha ain ida de'it. Maski ferik ki'ak no besik ona atu mate, nia hakiak sira na'in rua; sira hela dook

husi knua no ema sira haluha ona sira na'in 3.

Loron ida, ema ida soe sigaru ne'ebé sei lakan hela no duut maran sunu kedas no ahi hahú sunu ai-hun boot no ahi han besik sira na'in 3 nia uma. Ferik dehan: "Ha'u sei hanoin katak ha'u-nia avo sira haktuir kona-ba dalan ida ne'ebé lori to'o bee-matan ida; se ita to'o fatin ida ne'ebá, ahi la bele han ita". Foin-sa'e hatán: "Oinsá ita bele ba? Ha'u la haree buat ida, oinsá bele rekoñese dalan loos?" Labarik simu hodi dehan: "Ha'u bele haree, maibé ha'u la bele la'o! Karik se ó lori ha'u iha ó-nia kaba'as, ha'u bele dehan ba ó atu tau ó-nia ain iha ne'ebé". Nune'e sira na'in 3 tolu komesa la'o: ai-hun sira besik uma sei di'ak, maibé dook uitoan sira monu ona tanba ahi-han. Ferik kontinua ko'alia hodi haktuir saida mak avo sira dehan kona-ba dalan ida ne'e, no labarik, iha foin-sa'e nia kaba'as, haka'as an atu buka sinál sira ne'e no gia foin-sa'e atu la'o. Depois de oras ida ka rua ne'ebé sira la'o iha ahi laran, ho manas liu, sira